

小方壺齋輿地叢鈔

小方壺齋輿地叢鈔第十二帙目錄

南濱河王錫

洪鑑董甫參

山陽

丁鳳翼撰
陳步雲鈔

小西洋記

同安陳倫炯著

阿利未加洲各國志

泰西……著

亞非理駕諸國記

日本岡本監輔著

地蘭士華路考

闕名

埃及紀略

英國韋廉臣著

埃及國略

日本岡本監輔著

新開地中河記

美國丁建良著

阿比西尼亞國述略

美國林樂知著

探地記

長洲王韜著

黑蠻風土記

英國立溫斯敦著

亞美理駕諸國記

日本岡本監輔著

墨洲雜記

闕名

美國記

日本岡本監輔著

紅苗紀略

嚴城秦錫麟著

舊金山記

美國丁建良著

墨西哥記

日本岡本監輔著

古巴雜記

順德譚乾初著

秘魯形勢錄

闕名

使美紀略

廣東陳鵬彬著

美會紀略

江甯李圭著

東行日記

江甯李圭著

舟行紀略

闕名

三洲遊記

闕名

計二十一種

小西洋記

同安陳倫炯著

小西洋居於丙午丁未方從麻喇甲暹羅繞西沿山而至於白頭番國人卽西域之狀捲鬚環耳衣西洋布大領小袖纏腰誤白頭故以白頭呼之國有二東爲小白頭西爲包社大白頭二國北接三馬爾丹卽噶爾丹之本國也而三馬爾丹之北鄰細密里也國而細密里也之西爲俄羅斯國小白頭東鄰民呀國民呀人黑穿著皆白類似白頭英機黎荷蘭佛蘭西聚此貿易民呀之東接天竺佛國民呀之東南遠及暹羅民呀之南臨海民呀之北接哪嗎西藏及三馬爾丹國屬而小白頭南入於海之地曰戈什喀東西南三面皆臨大海外懸一島曰西崙中產大珠戈什喀東之沿海地名有三曰網礁臘係英機黎埔頭曰房低者里係佛蘭西埔頭曰呢頗八達係荷蘭埔頭西之沿海地名有二曰蘇喇曰網買皆英機黎埔頭其地俱係紅毛置買所建也

包社大白頭國東鄰小白頭北與小白頭皆聯三馬爾丹西北枕裏海西鄰東多爾其西南鄰阿黎米也南臨大海

多爾其分東西二國皆同回東多爾其國不通海東鄰大白頭東北傍裏海北接惹鹿惹也西鄰西多爾其南接阿黎米也

裏海者諸國環而繞之東北細密里也西北俄羅斯東三馬爾丹西惹鹿惹也西南東多爾其南包社大白頭內注大海不通海權其水惟從包社出海故爲裏海

惹鹿惹也一國卽俄羅斯之波羅部亦不通海東傍裏海西傍死海北聯俄羅斯南接東西多爾其女人姿色美而毛髮紅氣味臭衣著同白頭貢於包社

死海者卽黑海源從地中北俄羅斯南西多爾其東惹鹿惹也西民哖呻四面環繞不通大海故爲死海

而西多爾其民哱呻二國不通小西洋之海而濱於中海之東北中海係從大西洋之海而入

阿黎米也東鄰包社大白頭北接東西多爾其西北濱於大西洋之中海西聯烏鬼國陸地一隅自西至西南與烏鬼之地隔對一海南臨大洋國爲多爾其所屬貢男女於多爾其爲奴婢

烏鬼國東北山與阿黎米也相聯向西南生出坤申方大洋何曾四五國之遠其盡處曰哱即中國支山入海盡處曰表表者標也佛蘭西曰哱英機黎曰及皆順毛烏鬼地方是以紅毛哱板從小西洋來中國者由亞齊之北麻喇甲之南穿海過柔佛出茶盤而至崑崙目哱而東至戈什塔而東至亞齊其海皆呼爲小西洋人黑白不同皆西域裝束長衫大領小袖裏頭纏腰國富庶產寶器生銀洋布丁香肉果水安息吧喇沙末油蘇合油等類以金爲幣鑽石爲寶

阿利未加洲各國志

泰西· · · 著

東阿利未加洲濱臨因里阿海東自海岸以至西域寬約五六百里不等南自含摩那司北至阿區海岸環繞計長三千里北廣南狹內有路巴達大山其橫縱起伏長竟海岸河二路非尼河由莫新彌葵出海染彌西河下流分四口出海商舶以歸爾釐麻尼河口爲最土番面黑頗工技藝千五百年明宏治十三年間葡萄牙人由兀賀峽至此地墾闢南隅海岸拒絕外人故其中部落若干酋長若干甲所轄何地乙所轄何地幅員戶口政事教門均未悉南有含摩那司英漢門蘇華臘麻尼加摩加蘭野莫新彌葵六部俱葡萄牙所轄北有山危麻阿區一部阿丹所轄 含摩那司東界海西界曠野南界加富臘釐阿北界英漢門東阿未里加洲之南界卽由此而起 英漢門東界海北界蘇華臘西南俱界含摩那司地卑溼水土惡土番三千獠好鬪有葡萄牙礮臺守兵百五十產顏料象牙黃蠟歲值不下十萬棒又船載人口售於莫新彌葵輒十餘舟每舟四五百口 蘇華臘東界海西界麻尼加南界英漢門北界摩嘉蘭野濱臨海岸灘沙日漲非小艇不能登岸土番是加付臘黎阿種類常懷利刃不受約束葡萄牙初至本一大市鎮也造築礮臺以禦土番地產金及象牙皆由染彌西河運至交易今則改運莫新彌葵所屬之歸爾釐馬尼河口昔日市埠倏變窮鄉海舶關至亦止棉花蠟貨 麻尼加東界蘇華臘西界曠野南界含摩那司北界摩加蘭野葡萄牙人於于五百六十九年乾隆三年率師奪據築礮臺開埠市採金礦金羅山石中取之竭力而產不旺惟銅鐵象牙與販賣人口交易甚大 摩加蘭野東界海西界曠野南界蘇華臘北界莫新彌葵土番面光黑厚脣鬚髮兵惟弓矢無火器其地前卽摩諾摩達巴國新摩其首部落也後因割裂各霸一方其酋占牙麥臘者卽麻臘湖之盜據新摩部落自稱曰歸底威 莫新彌葵東界曠野西界曠野南界摩加蘭野北界山維臘葡萄牙所轄地此爲最大近海岸六島并屬葡萄牙摩新彌葵部落

在歸爾釐麻尼河口之上道路雖坦水土頗惡然葛

葛也

之華麗甲於阿未里加洲所設稅口公所猶坦

宏敞近有坍塌貴人儼從服飾都麗佩帶多飾以金居此者葡葡亞人五百阿丹人八百土番約六千黑番千有五百礮臺不甚堅可禦海賊雖拒大敵歸爾釐麻尼爲國中大市鎮赤金象牙販賣人口均由染彌河運至市準鱗次近因英吉利奪得達溫峽與毛釐底敦司二處阻販入口過境故市減大半然每年運回葡葡亞者尚不下四千口厥凌島在其對岸舊無人居葡葡亞人開闢其地遷莫新彌變之人居之與馬那亞司加大島相近常被其劫奪歸阿臘島亦葡葡亞市準孟麻沙島膏腴產糖與五穀殷麻島匿西脈島孟菲阿島陸產因豐其海中尤多珊瑚以上皆葡葡亞所轄其貿易以匿西墨島爲最有礮臺設兵二百三十幾利斯底匿人五百番奴二萬一千八百有奇土番約萬人產蜜糖黃蠟顏料以上六國皆屬葡葡亞山維麻東抵海西抵曠野北界阿匿南界莫新彌變葡葡亞始至其地尙是蘇恢里西人所據今則分而爲三南隅腹地爲牙爾臘人所奪牙爾臘者阿邁司尼阿國中土蠻也南隅沿海諸岸則爲阿丹所奪北隅有麻雅諸沙大部落據之拒絕歐羅巴不通往來于七百七年康熙四十七年有英吉利之船戶駕三板船登岸探訪被擄不返由洋面遙望麻雅諸沙部落半屬茅舍半屬高大石墳工作華麗故歐羅巴人謂之埋入城黑臘五者麻雅諸沙之部落貿易鱗萃亦一大市鎮也阿匿東西抵海南界山維麻西北界阿邁司尼西南抵曠野爲東阿未里加盡處北岸對海即阿丹地阿匿土番種類其維地盡沙石土燥不宜播種北多山阜所運出土產除香料外莫識何物麻馬臘亦一小部落每年一會所產香膠沒藥乳香赤金象牙諸貨畢至商賈雲集阿丹所貿易之香膠香料大半由此購去并聞內地運出者距麻馬臘二十日程殆產自牙爾臘地也阿匿爾在阿匿西北與牙爾臘毗連首部曰西臘本阿匿舊地俗奉馬哈墨敦常與阿邁司尼阿爭鬬日久兩邊各自分理西臘貿易蕃庶竟爲阿邁司尼所奪由此再進則皆山野內

人近日復國仍以摩羅果爲國都新王力革污俗政事文學日漸起色惟所存律法仍同教且未設議事之官臨事倉猝裁決并無舊章骨肉時思篡奪故叛謀迭見護衛兵五千與操防之兵俱無紀律田賦什而征一牧畜二十而征一歲得稅餉銀五百萬員領大部落二小部落五十
摩羅果東界阿爾尼阿南界沙漠西界海北界地中
海嶺小部落二十有六產杏仁羊皮象牙蜜糖黃蠟樹膠
阿爾尼阿國古時西界摩羅果南界阿特臘斯山嶺小部落二十有四產大呢地產絨紗手巾呢絨
謂之盧彌尼阿縱七百里橫自五十里至百五十里戶二百萬口舊與摩羅果同俗於馬羅可國迨阿丹奪國悉改回教二百餘年全失本性蠻頑無知土尙肥美宜播種山林柏橡叢茂而習俗游惰半多荒棄以劫奪爲生涯又爲都魯機所據設呢官以董其事有鎮守兵萬五千隊伍皆無賴不知王法竟有絞死呢官自釋同伍驍勇代之者土番之海寇亦自立一王專劫海舶所獲資財半歸頭目半自移分至千八百十五年
道光十年始爲彌利堅英吉利船擊敗旋有佛蘭西船被其虜劫人貨俱盡佛蘭西於千八百三十年
道光十年起兵擣巢殲厥巢魁盡有全國設兵三萬防守其地然腹地皆阿丹種類常懷仇恨故佛蘭西之官兵近日退居港口不屯內地
阿爾尼阿東界都尼司南界沙漠西界摩羅果北界海在都尼司之東北幅員二十四萬五千方里戶口二百萬名領小部落五十有八產羊皮香料蜜蠟羊毛
都尼司國
職方外紀作弗沙國
地中海地勢平坦宜播種且北隅沿海小島百餘較之阿爾尼阿疆域差小舊都於加尼達近歐羅巴洲之南岸互市甚盛不亞於意大利後爲阿丹奪國駐兵加爾灣都尼司二部勒改回教盡失舊俗榛狂無知迨至千六百年
明萬曆十八年又爲都魯機所據設彌官以理政事兵卒橫行官受挾制民輸荼毒近日酋長遂將都魯機而自立改都於都尼司悉除虐政與國人更始以土番頑蠢廣採才智凡歐羅巴人稍有才識者雖微賤皆加任用立規條判曲直約束番眾法度漸可觀幅員七萬五千方里戶二百萬口領小部落二十有一產絨絨呢噶噶番靛
特黎波里國在摩羅果之南東界伊損南界沙漠西界都尼司
亦古

北界地中海域內多山惟北隅沃壤然所產不贖於食仰資鄰國其人先受愚於阿丹之回教嗣受虐於都魯機駐防之兵後有巴札曰哈彌者設謀僞宴邀其兵目三百會飲伏壯士禽縛誅之并盡屠其兵黨即自立爲王仍都於特黎波里都魯機衰弱不能征討從茲不屬都魯機哈彌約東部卒除虐蘇因招徠歐羅巴技藝之人教導土番近日之王寬厚儉節通好各國外攬賓客內化愚頑較摩羅果等國政事尤整飭領大部落二小部落三十有三幅員二十一萬五千方里戶百萬口有奇

特黎波里東界伊提南界非山西界都尼司北

界海嶺小部落二十四處呢妙地毗鄰金沙象牙

非山北界特黎波里東南西界沙漠在特黎波里之南嶺小部落九

南阿利未加三面濱海一面界斯溜墨爾大山華語雪山也山自西而東與海岸齊長峰高千仞四時積雪南阿未里加諸山無出其右地分三國山之南曰兀賀峽今屬英吉利山之北曰摩舒阿那山之東曰加富臘釐阿二者亦各有王土人有六種一英吉利一荷蘭一和鼎圖一摩舒阿那一加富臘釐阿一摩耶斯滿六種中惟摩耶斯滿居於斯溜墨爾山谷中無頭目類野人其河皆發源斯溜墨爾山其南爲岡都斯河南流由蘇加部落出海東則額利霏矢河東南流由麻哈爾斯出河北則阿蘭治河環繞山麓轉歷正西曠野而注之海其加富臘釐阿之地尙有數河未詳源委 果羅里東界加富臘釐阿南西俱界海北界斯溜墨爾山山斗出海中時有迴風舟行危險本名曰阿付丹北司峽華言暴風山也嗣西洋改其名曰兀賀峽言山峽情景可觀峽長五百八十里廣二百餘里平蕪半沙石無青草依山濱海夾岸茂林大田多稼峽達稔其首部也依峽建城始自荷蘭先得因里阿海岸知此地堪爲市埠於千六百五十年順治七年創築峽達稔設官鎮守增戶授田商舶輻輳始成樂土英吉利於千七百九十五年乾隆六年率師爭奪荷蘭以兵拒退之不數載英兵復至連戰竟奪峽地土人三種一英吉利一荷蘭一和鼎圖英人多居峽達稔近關地於額利非駛河之左右歲被水潦舍田業商已成市鎮荷蘭分處四鄉田地常鬧爭界

請丈啟訟行賄其官徇情偏斷專嗜膏粱凡農事牧畜委諸和鼎突故爭訟不息東近斯溜墨爾山兼練武事以防摩耶斯滿野番故此方荷蘭素稱趨勇和鼎突即果羅里之士番服役於荷蘭半奴半佃不辭力作人將死先攫其臟腑燎炙而食疾走善射能逐奔獸以硝皮織席造弓鑄刀爲業喜歌舞不信教門領小部落七十九幅員十二萬方里戶十五萬口其首部曰峽達稔爲歐羅巴人流寓之所背倚特步爾山高三百五十八丈其峽東西通衢產酒沈香牛羊獅豹之皮牛角象牙獨角獸牙 莫舒阿那國又名彌珠阿那東界加富臘釐阿西界曠野南界斯溜墨爾山北界馬路魯司在果羅里與斯溜墨爾山之北其首部曰古里查尼城即國都也宏麗甲於阿未里加洲風俗半農半牧技藝精巧廬舍內木外土彫刻彩飾外圍石垣爲牧畜之所女司耕男司牧惟王及酋長之妻妾始免勞役服長衣飾以毛羽珊瑚珠寶厚待外國而與鄉鄰動輒爭鬪不死不休兼以劫掠爲生故不敢散處惟聚居城郭與附郭之村莊也土人見王無貴賤之分席地坐談以煙爲酬酢頭目臨陣以獸皮蔽兩臂手持藤牌及箭餘皆赤體交鋒俗佻傥嗜歌舞禦人以口給領小部落三千八百產銅鐵皮 加富臘釐阿在斯溜墨爾山之東南界果羅里北界尼臘俄阿東界海西界莫舒阿那自海濱至此約二三百里餘界里數未考土番有數種曰丹母幾曰蘇臘司曰和倫頓底司狀修偉膚紫色女番差卑小略似歐羅巴惟眼黑而光較有神俗無定處不耕種以游牧爲業惟丹母幾與鄰近果羅里一種尙能傾銀鑄鐵若蘇臘司和倫頓底兩種惟多膂力無他技也其王之加常札畜壯兵萬五千倫遇警急則有少年兵十萬故爲鄰國所畏 摩耶斯滿山番本和鼎突種類居於斯溜墨爾山谷有如野獸不耕種專收獵登山懸澗如飛見人即殺尤喜歌舞星月之夜嘯躍達旦春秋佳日歌舞徹數晝夜

西阿利未加分兩大區其一區起自色黎雅爾河以南至安爾阿河以北內有九國一嘉約二莽孟三雅

爾蘭四夫達多臘五和洼爾六馬臘七孟薩倫八雅尼九稔里大小各國同屬一區佛蘭西人遂合并兩河之名以名其地曰色黎安彌阿九國之中僅嘉約濱海餘俱腹內又有西臘氏國相毘連在色黎雅爾河之北其安彌阿河以南至敏維臘河又有十四國同區一靠落司二夫達雅羅三額林四矣阿里五阿寒氏六那知彌七彌領八洼里九尼門十根峨十一巒峨十二雅門十三安峨臘十四敏維臘皆濱海之區地勢平蕪偶有高阜亦皆錯出海中名山巨嶽盡在腹內橫數百里袤長約四千里轉環參錯凡二十四國山以公山爲最巨由色黎安彌阿至東阿末里加之悶山蜿蜒相連境內河道皆發源於此山之西有安彌阿河色黎雅爾河尼額河山之南有來阿額蘭尼河彌蘇臘那河其源遠而闊者尼額河由花羅來市直達阿蘭底海安彌河流最駛由色黎安彌阿南入海色黎雅爾河源較遠曲折濛洄由色黎安彌阿北入海若來阿額蘭尼河彌蘇臘那河俱在南隅由根峨諸口入海尙有色爾戈河安薩河未悉其源委其海口距內地地理數不等歐羅巴人分疆畫域惟以河流分界然亦止知瀕海莫窺內地卽阿丹地理所載亦多臆度始耶穌紀歲千四百三十年明宣德五年有葡萄牙人舟過麻牙那山麓暫棲於阿爾釐島始訪出北隅之色黎安彌阿繼尋得南隅之根峨等處從茲消海罕頭悉屬葡萄牙千六百四十餘年順治初年葡萄牙浸衰其俄爾戈之地卽爲荷蘭所奪雖旋取回而色黎安彌阿又爲英吉利佛蘭西所據英人卽在安彌阿河口立埠佛蘭西則在色黎雅爾河口立埠兩國皆有公司各立廠臺出口貨物惟金及人口最大至內地情形英吉利與佛蘭西人講求探溯尙無端倪而兩國構兵遂爲中止聞其入戶共二千百餘萬口大都厚脣扁鼻邪面後仰色黑髮鬚不裝飾無技藝文學戰鬪雖悍平居尙淳樸不習教門專祀匪底祇之神或以大樹大石或以象牙狗牙虎牙羊頭魚骨或樹枝繩束等類隨意而指卽以爲匪底祇之神有供奉在家者有位置在村莊者立龕列祭遇事祈禱人死多焚財帛謂資冥用宰人作牲以享先

靈囀音樂喜歌舞多畜妻妾常人多則二十王則動百十計而阿寒底那和彌兩國酋長竟至數千民居卑小門高三尺鞠躬而入一妾一門外圍一牆上下皆然惟宮室廊署略較爽塏間施采飾以別等級男女皆喜帶手鐲指環或金或象以多爲美即赤貧亦繫鐵鐲面繪紅白文身刺膚以手搏食飲啖兼數人產橡樟楊柳葡萄酒無花果桂皮甘蔗桑椹蒜栗油浮石椰子松柏樹龍血樹檳榔桃柑李蕉果西瓜黃瓜米粟棉花糖席材木金銅鋼鐵象牙計象牙歲值銀約十五萬員 嘉約國即野羅甫在色黎雅爾河口瀕海岸爲色黎安彌阿區中之大國惟一部落即酋長所居佛蘭西人貿易其地遂據河口築礮臺又於對岸之俄黎島設立部落居人三千爲河口之保障樹木叢茂產豐多商賈 莽孟國在色黎安彌阿之東附近色黎雅爾河內有那達更山金鐵相間掘至數尺許即有金粒至丈許則金粒成團土番不善支撈礦穴動致坍塌壓色買臘山金在剛石之間鑿採費工又有半山出產紅石 雅爾蘭國在色黎雅爾河之上流地處極東與滿母比鄰佛蘭西船曾商其地獲利倍徙以水土不服河道難行恆被劫掠遂不復深入其地 夫達多臘國在色黎雅爾河之下流距海不遠河之南北均其轄地酋長回教種類亦不能制其部下 和注爾國近海最爾之區酋長蠻野無匹自稱曰額利墨臘猶華言王中王云 馬臘國在安彌阿之北距海甚近酋長所居即馬臘部落也境內有尼利弗里市卑設有稅館先屬葡萄牙國英吉利奪之而於安彌阿河口築礮臺防守潮流而上四十里即比沙部落英人雖有貿易究不與內地尼額河相通故交易不盛 孟薩倫國在馬臘國之上幅員較闊土番約三十萬均受領俄種類 雅尼國稔里國均小國也居於孟薩倫之上厥土墳衍產穀甲一方再行四百里即沙水並湧之地多鱷魚水鼻岸則野獸成羣舟楫難駛 西臘氏國在色黎雅爾河之北與前九國毗連爲十河源發自公山至馬臘之尼力弗里出口經西臘氏境內者居半

以上色黎安彌阿十國色黎安彌阿一區內有九國在西阿未里加之北東界蘇臘麻西界海南極

安彌阿河北抵色黎雅爾河東西距七百餘里南北距二百五十里大小九國又土番三國一日付臘司一日曼領喇付臘司種類高大鼻扁厚面似微龍俗事馬哈墨回教性尚平和周旋老弱疾病與外來商旅游牧爲生隨處遷徙曼領喇付臘司種類面黑紫赤胸射計數以五作十無文字

嘉約之南東界蘇釐麻西界海南界夫達雅羅北界嘉約之安彌阿河土厚產豐雞鴨蜂蜜尤蕃庶歐羅巴人至此貿易向例須曼領喇付臘司中經紀兩家買賣不得見面故不能徑與通商 夫達雅羅國又名爲

臘司在靠落司之東少南東界額林西南界海北界蘇釐麻幅員約長三百五十里寬二百里一鼎磨一

黎彌里阿一西耶臘里阿那一臘達俄司四大部落也酋長居於鼎磨常鎮千六百人虜掠人口賣與歐

羅巴人爲家祀用人爲注土番皆付臘司種類俗事馬哈墨回教西耶臘里阿那濱臨海岸爲英商市

卑由此至海程二百臘彌里阿在彌斯臘那河口爲彌利堅市卑南北長二百五十里寬三

十里土番多無賴產銀鐵材木皮細布棉花糖油象牙蘇木黃蠟胡椒 額林國在夫達雅羅國東

南東界夫達雅羅國西界海西界夫達雅羅北界蘇釐麻惟一部落日鼎來酋長居之祭祀亦用人爲牲并有

夫死而葬於墓前以祭者別有一種教師曰墨爾里能專國中之權其教師少年離俗露處深林修鍊

日久能作怪異能通奧妙非但識其教中之理并能審議案牘方可謂之墨爾里其地舊屬葡荷亞今尚
有葡萄亞之人與土番雜處土產胡椒 埃阿里國在額林國之東南界海北界梭維東界阿塞氏西界
額林領部落二一日臘后濱海口一日耶格蘇居腹內臘后所產象牙爲最歐羅巴人以土番爲惡罕往
貿易土番言語聲在喉中若野獸叫嘯駭人聞聽 阿塞氏又名峨戈爾在埃阿里之東少南東界額林
彌西界埃阿里南界海北界蘇釐麻幅員萬四千里戶百萬口并奴僕之數則有四百萬領部落四一吉
戈司一依爾彌那濱臨海邊一阿加臘一準受里均則腹地吉戈司英吉利商賈所寓有轍車東行約五
十里即依爾彌那爲荷蘭市卑瞰臺其多海岸土疏多沙而沃產糖與包粟最豐產金礦土番暴躁好訟

房屋闊整每村設一會議之所以高年掌之審理訟獄富家多以訟敗產屠人祭墓酣宴數日習俗男逸女勞負重工作無非女惟捕魚則男耳服色尙白酋長以下多繫金鐲兵事或戰或和悉商之四官春秋二祭皆屠人祈福酋長身死輒戮千人以祭先拘外國奴僕并羈禁之罪囚不足則虜行人故入市不敢獨行恐被虜也妻妾以多爲貴酋長例有三千并選妾色稍忤意輒戮死并戮人口與歐羅巴人爲奴其累虐冠邁淵然酋長亦知慕歐羅巴之材藝以教其人民陳設器物皆精巧其出口之貨惟有黃金屬地甚廣如領幾臘阿幾渥注掃阿廣磨四國皆其所轄後又征服內地之雅漫陰達那安麻諸國那和彌國在阿塞氏之東少南東界彌領西界塞阿氏南界海北界梭蘭附近海岸長廣各二百里其沒海之地曰斯列哥士華語奴僕岸也本恢那國之地其酋長恃富驕淫遂爲那和彌所併風俗人情與阿塞氏同而殘忍更甚人死不斂不埋挂於牆壁任其腐朽宮室廟宇覆以人之天靈骨酋長妻妾例有三千每年傳集番女挑選一次上等白留次者指配番官鄰近尙有阿臘那厄里臘俄司諸屬國臘俄司祈雨將少婦倒植神前有犯死罪者綴首樹杪阿臘那土產棉花油番靛瓦器鐵器彌領國又名彌阿佛臘在那和彌之南少東濱海廣約二百里與注里尼門二國同區彌領地勢低窪恆患潦溺產象牙俗散匪底祇神國人見酋長當如見神設有干犯酋長者已科犯上本罪再加襲瀆神明規條施以極刑注里國在彌領西南濱臨內河地勢卑渥溪汶紛歧皆狹不容舟惟墨臘斯河較闊源流亦長直達阿蘭底海土瘠民稀風俗略同彌領尼門國在彌領東南沿河逆流而進約行六十里卽耶付連部落酋長蠻野戰勝卽聚其顛骨以造廟宇以祀匪底祇之神販鬻人口每年約二萬產象牙最多其次汕鹽根峨國在峨之南少東北界蠻峨西界阿蘭底海南抵安臘峨東界曠野領小部落三根峨注在內地酋長所居馬領麻加敏那均濱海涯土番身體短小面黑有力俗惰罕耕種樹皮爲廬草席蔽體地曠人稀村小者

百餘人大者數百人分四等曰頭目曰錢糧戶曰耕戶曰家奴酋長與頭目多妻妾娶販人口市準難
在海岸而所販之人悉由內地運載而至 鑾峨國在根峨國之北西抵阿蘭底海南抵根峨東北俱界
牙門風土人情略同根峨 安峨臘國在根峨之南東界曠野西界阿蘭底海南界敘雅脫北界根峨風
土人情亦同諸部 敏維臘國在根峨之南西界阿南底海南俱界荒蕪之地北界根峨沿海岸數百
里俱葡萄亞所轄每年販人口約二萬計風俗同前諸部產上銅以上安蘭河以南至敏維臘河以北十四區

中阿利未加洲地處中央環以羣山沃野平曠灌溉不竭為全洲膏腴之最西界西阿未里加北界曠野
東界查湖南界無老長三千餘里廣千有餘里山最大者曰悶山自東至西起伏綿互與洲境同其起迄
中阿未利加僅山之中央一隅耳峰巒層疊崖石嵯峨有似倒塌礮臺者有似銳浮圖者形勢不一高者
二三千丈崎嶇與平坦相間山內可種棉粟并有城垣依山而建天炎土燥而田疇不乏水澤皆資悶山
之灌溉河道有四曰尼陀河曰孤盧尼河曰蓋彌河曰瓜臘馬河皆發源悶山而尼陀河最鉅源遠流長
計三千餘里總受諸河之水由機里出海諸國皆沿河建立湖以查湖為最闊與磨爾農連界長約六百
里其水澄清甲天下湖中小島各有居人林深草茂飛走數澤次為尼彌河雖不及查湖之大亦一目難
窮此外皆小湖而已幅員遼闊內多小國距海岸遠不與海國通往來近四十年始有冒險至其地略悉
情形究無史書難溯源委讀阿丹地理誌載千二百年宋承安五年部內之人遷徙曠野之南可見居於中阿
未里加洲者多阿丹之人并聞先日有阿麻西尼司與翁彌阿尼司互爭勝者各自立國其最大者嘉諾
日薩加曰磨爾農嘉諾之南產金最旺千四百年明建文四年摩羅果大頭目阿佛釐加庫士統眾至丁麻杜
奪得依機阿各地立國稱王即名丁麻杜國時嘉諾亦屬丁麻杜所轄矣千七百年康熙二十九年又歸於加
斯那千八百初年嘉慶五年薩加親頭目曰蘭華利荷者自立為王并服蓋司沙部磨爾農部遂成大國不久

分裂爲摩爾農頭目所驅逐蓋司沙各部落若俄墨若色塞同時亦各自王卽如丁麻杜國自阿佛釐加盧士以後卽爲摩羅果之屬國滿馬臘向稱大國所屬之展里大部落近已爲頭目阿馬盧所據各國政事皆自專制故無著名之邦亦無統轄之主蝸角蠻觸各長一方其俗百官見王葡伏殿前以首叩地各國王死屠人以祭雖不若西阿未里加阿塞氏那和彌二國之多然祀典用人亦不能缺王之所貴不在宮室制度而在妻妾貨財故國王宮室僅加於居民一等往往苦蓋墨楸孔燕環飛兒童保露機關無倫而妻妾之多則難以數計凡監守各官以至服役皆姬妾焉部落長官皆由民自推擇賦稅無定額軍旅無紀律惟摩爾農之兵似有隊伍善長鎗驍牌行列方圓成陣臨戰僅裹獸皮以禦弓矢薩斯靺國有兵六萬各國皆不習火銃惟阿丹客商有火器遇兩國爭鬪常以此解圍土產粟米棉花洋靛六畜獅象豹蜂蜜象牙金沙洋藍布各埠運貨并無車輛全藉負載賈於斯者皆阿丹之人由北阿未里加越歷沙漠缺水草多盜賊近日始知雇駱駝獸載節省倍徙所運入者如絲紬呢絨珠銀器利皆數倍運出則黃金象牙奴僕居多奴僕多自南山虜掠而來非但賊盜卽國王貴官亦然如莫爾農之王與曼那臘王之女爲婚曾會赴麻斯俄虜掠人口三千以賀嘉禮境無溝洫亦少衢道荒陬曠野信足穿越或倒木橫阻或雨水泛濫行旅躑躅馬堵僕吁番與阿丹之人雜處僅學其技藝工作從不習其回教文字地素蠻野故之通洲則尙知禮義喜結交惟俗尙掠奪在他方尙以貧劫富此則以富劫貧習不爲耻凡事皆信匪底祇之神其摩爾農蓋司沙兩國極欲修文苦無教導性喜歌舞雖尊貴亦登場演唱揚揚自得土番面皆黑卽所謂烏鬼國云 莫爾農爲中阿利未加洲强大之國幅員七萬五千五方里戶二百萬口在查湖之西濱海水鄉美稼穡多獅象熊虎爲害領大部落八鉤加其首部落也其次若安俄那若安牙臘若君尼若加領若臘里若加沙里若阿爾摩盧農七部湖山錯壤大小各別而富庶以安俄那爲最始王其地